

Элст балгсна Роза Люксембург уульндар бѣах бичкдүдин садт ик өврдмджтѣ болна.

—Эй, Юра, Тамара, Костя, наарцхатн, ду дуулцхатн, би биллцхатн, шүлгүд келцхатн—гисн бичкдүдин дун ондн соньсгдн.

Орүн оругъяр, 2-ч номертѣ бичкдүдин садикин заведующн хорад, бичкн Гена көвүгъян гартаснь көтлсн Андрей ордж ирв.

— Садикт орулхарий? — гидж заведующ сурв.

—Э. Э... садт. Тана хѣлврт өгхяр—гидж Андрей хярү өгв.

—Гена мана гарт сѣаняр өсх — гидж заведующ келчкѣд, нер-усинь бичдж анад, воспитателиг дууддж авб.

— Вера Николаевна, танд бас нег Гена немгдв, — гидж инѣв.

Кесг джилд бичкн күүкдт сургъмддж өгч йовх Вера Николаевна, эцкѣснь занъ-бѣаринь сѣаняр сурдж мелчкѣд, көвүнүр бѣрдѣд:

— Неричнь кемб? — гидж өкѣрлн толгъагинь илдж сурв.

— Гена...
— Сѣн көвүн: Узджѣнч, тер чамла ѣдл бичкдүд наадджана, теднүр одий.—гидж келѣд,

дахулад авч ирв. Элсн деер нааддж бѣасн бичкдүд шнн ирсн көвүг буслѣд авчкв. Вера Николаевна бичкдүдиг цугинь дууддж анад:

— Танла наадхар Гена садикд ирв, танылдад хамдан наадцхатн, — гидж келчкѣд, уухнд гарад зогсв. Бичкдүд энд-тендѣснь, бѣрджѣсн наадгъасан Генад өгцхѣв. Иим олн шууга шинькѣн үздж бѣах Генад цугъяр өврдмджтѣ болдж медгднѣ. Көвүд бѣрдхлѣ дорагшн хѣлѣгѣд, гартаснь көтлѣд хамдан наадхар седхлѣ, уульх бѣадл гаргъад, түрүн бдртѣн эднүр бѣрддж өглго бѣав.

Маньгъдуртн Вера Николаевна, бичкдүд дунд авч ирѣд Женя, Костя, Тамара эднлѣ хамдн наад наадулад, ду дуулулад, шүлгүд келүлѣд, бичкдүдин олн-зүсн тууль келдж өгв. Генад энн икѣр таасгдв. Удлууга Гена бичкдүдлѣ иджлѣд, тедн тал бийн бѣрдѣд, гаргаран. бѣрдлѣд хамдан йовцхадг болв. Кедү ним бичкдүд эн садикд индж өссн!.

Элст балгсна бичкдүдин садт өссн кесг көвүд-күүкд джил болгън эндѣс, школур ирцхѣнѣ. Школд эклдж орхаснь урд, бичкдүдиг индж хѣлѣдж асрлгън

сургъмджин аль-бис белдвртѣ болхдн эднд ик дѣнъ болна. Эн джил бас кесг олн бичкдүд, садин сургъмддж авч, школур ирцхѣв. Шидрхн Элст балгсна 2-ч номертѣ бичкдүдин садт ик байр болв.

Сѣаняр кеерүлгдсн садикүр бичкдүдин эк-экирнн ирцхѣсн, ик байрта бѣацхѣнѣ. Садикд орджасн бичкдүд школин үүд түрүн болдж секѣд, партд сууцхадж, номин эк шинькѣн эклдж дасхар йовджацхана.

—Тадн бичкдүд, гунтагъасн авн мана садикд бѣагъѣд, дуулдг, биилдг зург зурдг, шүлгүд келдг дасцхавт. Тадн ода долан нас зүүцхѣвт, негдгч классин сургъульчнр болджанат. Сургъулян «сѣн» болн «йар сѣн» гидж темдгтѣгъяр дасцхатн, — гидж 2-ч номертѣ бичкдүдин садин заведующ эднн йѣрѣв.

Энүнѣ дару негдгч класс орх көвүд-күүкд бичкдүдин садт дассн билг-эрдмѣн үзүлцхѣн. Ингѣд, эн бичкдүдин сад, школд орх бичкдүдиг үдүшѣв.

Школин у, сѣанн, сарул класс байрар киилдж. Шинькѣн ирсн сургъульчнр толгъаган партас арѣ булталгъцхасн, ниссн батхн соньсгдмар, дѣтран киигъѣн авллад сууцхана.

Багш Раиса Эрдниевна Демтелинова хальмг келнѣ дегѣргаргъад:

— Эн зуртг хѣн зогсджама, яман зогсджана. гаха йовлж йовна,— гнгѣд кесг дакдж цѣѣлгъдж өгнѣ.

Раиса Эрдниевна сургъульчнр иг дже-гидж меддж автлн давтад, келдж өгчкѣд:

—Кен мини келсиг эн зургудар давтдж чадхтн тагчкар гаран өргцхѣтн. — гидж эднүр келчкѣд, журналан секѣд, сургъульчнрур хѣлѣв. Парт гатц шовалдсн бичкн гармуд үздгв. Эдннн үзсн багшн ик байрта. Болв цугтан меддж авчий, аль угай гисн ухан багшт тодлгдв. Хойр-гурвн бичкдүд гаран эс өргв. Раиса Эрдниевна негиүрн бѣрддж ирѣд, толгъагинь илѣд,—чи тодлдж авбчи? — гидж сурв.

— Авб, — гидж терн хярү өгв.


— Гаран юнъгад эс өргнѣн? Күүкн ичдж бѣах темдгѣн медүлв.

— Нег-негнѣсн бичѣ ичцхѣтн, — гидж багшн эдннн дасхана.

— Буваева Занда, уралан гарад, адгъл уга, эн зургар хѣлѣгѣд, мини заасиг давт. — гидж багш келв.

Цугтагъаснь бичкн күүкн босдж ирѣд, багшин бѣр бѣасн дегтр анад, зург хѣлѣгѣд, багшин келсѣр, торл уга келдж өгв. Дарунь боссн бичкдүд бас сѣаняр келцхѣв.

Элст балгсна 1-ч номертѣ дундин школд эн джил 180 сургъульчнр негдгч классд орджана. Тедн дунд Элст балгсна 2-ч номертѣ бичкдүдин садас ирсн Кабаков Юра, Яшкулов Костя, Дорджиев Женя, Кекева Тома болн нань чиги сургъульчнр негдгч классд ик белдвртѣгъяр ирцхѣсндн багшнр ик байрта.



Т у р у н у р о к д